

Radøy kommune

Saksframlegg

Saknr	Utval	Type	Dato
087/2018	Formannskapet i Radøy	PS	22.11.2018

Sakshandsamar	Arkivsaknr.:	Dokumentnr.:
Grete Algrøy Herøy	18/2617	18/16763

Søknad om alkoholsal på julafta

Saksopplysingar:

Bakgrunn

I brev frå daglegvarebutikkane i Radøy kommune blir det søkt om å få halde ope for alkoholsal på julafta. Grunngevinga er at dei tapar omsetning, det er mogeleg å få kjøpt alkohol i nabokommunane og dei hevdar at målet om mindre fyll på julafta, ikkje nødvendigvis heng saman med om butikkane får høve til å selja alkohol denne dagen.

Vurdering

Politikarane har vore med å utarbeida forskrift om alkoholpolitikk og vedteke dei gjeldande retninglinene. Radøy kommune har forskrift om sal, skjenking og opningstider for alkoholhaldig drikk, som tredde i kraft 1.10.2016. I § 2 pkt e står det:

Det er ikkje tillate med sal og utlevering av alkoholhaldige drikkevarer på julafta.

Med grunnlag i gjeldande forskrift, er det svaret klart. Men på bakgrunn av henvendinga frå samla handelsstand til politikarane, vert saka lagt fram til ny drøfting. Det kan det vere to alternativ i saka:

- Kommunestyret kan gje dispensasjon frå forskrifta for eit einskild høve
- Forskrifta vert følgt, slik den ligg føre og butikkane held stengt for alkoholsal julafta.

Folkehelse: Det er dokumentert samanheng mellom tilgang til alkohol og skadeverknadene som følgjer.

Miljø:

Økonomi:

Konklusjon:

Den lokale forskrifta legg føring for alt alkoholsal. Eventuelle endringar i denne, vert eit politisk spørsmål.

Rådmannen sitt framlegg til vedtak:

Saka vert lagt fram utan framlegg til vedtak

Formannskapet i Radøy - 087/2018

FS - handsaming:

Rådmann Jarle Landås orienterte og sa at det vil vera nødvendig med ei forskriftsendring dersom søknaden om sal av øl i butikk på julafta skal innvilgast.

Formannskapet drøfta saka grundig.

Det vart sett fram følgjande fellesframlegg:

Formannskapet tek innspelet frå daglegvarebutikkane på alvor. Kommunen vil spela på lag med næringslivet, og er avhengig av innspel. Likevel er det slik at sal, skjenking og opningstider for alkoholhalding drikke i Radøy kommune er regulert som forskrift utan rom for dispensasjon. Dette følgjer av lovverket. §2,e lyder følgjande: "Det er ikkje tillate med sal og utlevering av alkoholhaldige drikkevarer på julafta". Forskrifta opnar ikkje for å dispensera frå regelverket. Formannskapet har såleis ikkje høve til å handsama søknaden for 2018, til det kom innspelet for seint.

Endring av forskrifta kan sjåast på i første halvår av 2019, og formannskapet ser gjerne at butikkane bidreg med tal som dokumenterer omsetnadsutvikling.

Formannskapet vedtok fellesframlegg sett fram i møtet.

FS - vedtak:

Formannskapet tek innspelet frå daglegvarebutikkane på alvor. Kommunen vil spela på lag med næringslivet, og er avhengig av innspel. Likevel er det slik at sal, skjenking og opningstider for alkoholhalding drikke i Radøy kommune er regulert som forskrift utan rom for dispensasjon. Dette følgjer av lovverket. §2,e lyder følgjande: "Det er ikkje tillate med sal og utlevering av alkoholhaldige drikkevarer på julafta". Forskrifta opnar ikkje for å dispensera frå regelverket. Formannskapet har såleis ikkje høve til å handsama søknaden for 2018, til det kom innspelet for seint.

Endring av forskrifta kan sjåast på i første halvår av 2019, og formannskapet ser gjerne at butikkane bidreg med tal som dokumenterer omsetnadsutvikling.

Vedlegg:

Søknad om salsløyve for alkohol på julafta 2018